

ლანჩხუთის მუნიციპალიტეტის
საკრებულოს თავმჯდომარეს
ბატონ ბესიკ ტაბიძეს


ბატონო ბესიკ,

გიგზავნით ფრაქცია „ქართული ოცნება–მრეწველების“ სხდომის ოქმს, რომელიც გაიმართა მიმდინარე წლის 26 ივნისს.

დანართი: სხდომის ოქმი № 4-4 (ოთხი) ფურცელი.

პატივისცემით,

ზურაბ კუკულავა



ფრაქციის თავმჯდომარის მოადგილე
ფრაქცია "ქართული ოცნება-მრეწველები"

ლანჩხუთის მუნიციპალიტეტის საკრებულოს
ფრაქცია „ქართული ოცნება-მრეწველების“
სხდომის ოქმი №4

ქ. ლანჩხუთი

26.06.2018 წელი

15:00 საათი

სხდომას ესწრებოდა: ფრაქცია „ქართული ოცნება-მრეწველების“ თავმჯდომარის მოადგილე ზურაბ კუკულავა ფრაქციის წევრები: ელისო ჭიჭინაძე, ამირან ქანთარია ფრაქციის თავმჯდომარის მოადგილემ ზურაბ კუკულავამ სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის 2018 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 27 დეკემბრის N54 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვის შესახებ.

/მომხსენებელი: ზ. კუკულავა/

2. „ლანჩხუთის მუნიციპალიტეტის საკუთრებაში არსებული უძრავი ქონების ა(ა)იპ „სკოლამდელი საგანმანათლებლო-სააღმზრდელო ცენტრი“-სთვის პირდაპირი განკარგვის წესით, სარგებლობის უფლებით, უსასყიდლოდ გადაცემაზე მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

/მომხსენებელი: ზ. კუკულავა/

3. „ლანჩხუთის მუნიციპალიტეტის საკუთრებაში არსებული უძრავი ქონების ა(ა)იპ „ლანჩხუთის მუნიციპალიტეტის კულტურის დაწესებულებათა გაერთიანებისათვის“ პირდაპირი განკარგვის წესით სარგებლობის უფლებით უსასყიდლოდ გადაცემაზე მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

/მომხსენებელი: ზ. კუკულავა/

4. „ლანჩხუთის მუნიციპალიტეტის საკუთრებაში არსებული ქონების პირდაპირი განკარგვის წესით სარგებლობის უფლებით უსასყიდლოდ გადაცემაზე მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

/მომხსენებელი: ზ. კუკულავა/

5. სხვადასხვა საკითხები.

ფრაქციის თავმჯდომარის მოადგილემ ზურაბ კუკულავამ კენჭი უყარა დღის წესრიგის პროექტს:
მომხრე 3, წინააღმდეგი არცერთი.

დღის წესრიგის პირველ საკითხზე: ფრაქციის თავმჯდომარის მოადგილე ზურაბ კუკულავამ ისაუბრა „ლანჩხუთის მუნიციპალიტეტის 2018 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 27 დეკემბრის N54 დადგენილებაში ცვლილების შეტანის თაობაზე“. მან აღნიშნა რომ, #952 განკარგულებით ლანჩხუთის მუნიციპალიტეტს საქართველოს რეგიონებში განსახორციელებელი პროექტების ფონდიდან დამატებით გამოეყო 2558849 ლარი, ამ თანხიდან ფინანსდება ჯიხეთის დედათა მონასტერთან მისასვლელი გზა 942278 ლარით, ასევე აცანის, აკეთის, ჩიბათის, ნინოშვილის, ნიგვზიანის, მამათის, სუფსის ადმინისტრაციულ ერთეულებში რკინა ბეტონის სანიაღვრე არხების, რკინა ბეტონისა და ასფალტო ბეტონის საფარის მოწყობა 768297 ლარი. ბავშვთა საფეხბურთო სკოლის შენობის რეაბილიტაცია 848274 ლარი. ლანჩხუთის მუნიციპალიტეტს ასევე #957 განკარგულებით სტიქიის სალიკვიდაციო ფონდიდან გამოეყო 180000 ლარი, რაც მიიმართება სტიქიის რეაბილიტაციის შედეგად დაზიანებული სახლების შესაკეთებლად.

ა(ა)იპ ლანჩხუთის მუნიციპალიტეტის „კეთილმოწყობისა და მომსახურების ცენტრი“-ს წერილის საფუძველზე მიზანშეწონილად ჩაითვალა შეუმცირდეს სუბსიდირების დაფინანსება 17800 ლარით და გაიზარდოს არაფინანსური აქტივების მუხლი 17800 ლარით.

ფრაქციის წევრებმა მოითხოვეს განსახორციელებელი პროექტების თაობაზე დეტალური ხარჯთაღრიცხვა.

თავმჯდომარის მოადგილემ ზურაბ კუკულავამ კენჭი უყარა აღნიშნულ საკითხს.
მომხრე 1, არ მიიღო კენჭისყრაში მონაწილეობა 2 .

დღის წესრიგის მეორე საკითხზე: ფრაქციის თავმჯდომარის მოადგილე ზურაბ კუკულავამ, ისაუბრა „ლანჩხუთის მუნიციპალიტეტის საკუთრებაში არსებული უძრავი ქონების ა(ა)იპ „სკოლამდელი საგანმანათლებლო-საადმინისტრაციული ცენტრი“-სთვის პირდაპირი განკარგვის წესით, სარგებლობის უფლებით, უსასყიდლოდ გადაცემაზე მერისთვის თანხმობის მიცემის საკითხზე. კერძოდ, საუბარია ჯურუყვეთის, მამათის, ნიგვზიანის, ნინოშვილის, ჩოჩხათის, აცანის ადმინისტრაციული ერთეულში მდებარე საბავშვო ბაღების ა(ა)იპ „სკოლამდელი საგანმანათლებლო-საადმინისტრაციული ცენტრისათვის“ პირდაპირი განკარგვის წესით, სარგებლობის უფლებით, უსასყიდლო უზუფრუქტის ფორმით გადაცემაზე. ვინაიდან ა(ა)იპ აღნიშნული შენობა-ნაგებობები ესაჭიროება მისთვის წესდებით განსაზღვრული უფლებამოსილების განსახორციელებლად.

თავმჯდომარის მოადგილემ ზურაბ კუკულავამ კენჭი უყარა აღნიშნულ საკითხს
მომხრე 3 , წინააღმდეგი არცერთი .

დღის წესრიგის მესამე საკითხზე: ფრაქციის თავმჯდომარის მოადგილე ზურაბ კუკულავამ, ისაუბრა „ლანჩხუთის მუნიციპალიტეტის საკუთრებაში არსებული უძრავი ქონების ა(ა)იპ „ლანჩხუთის მუნიციპალიტეტის კულტურის დაწესებულებათა გაერთიანებისათვის“ პირდაპირი განკარგვის წესით სარგებლობის უფლებით უსასყიდლოდ

გადაცემაზე მერისთვის თანხმობის მიცემის საკითხზე. რაც მოიცავს, ა(ა)იპ „ლანჩხუთის მუნიციპალიტეტის კულტურის დაწესებულებათა გაერთიანებისთვის“ სოფელ სუფსაში მდებარე კულტურის სახლის პირდაპირი განკარგვის წესით, სარგებლობის უფლებით, უსასყიდლო უზუფრუქტის ფორმით გადაცემას.

თავმჯდომარის მოადგილემ ზურაბ კუკულავამ კენჭი უყარა აღნიშნულ საკითხს:
მომხრე 3 , წინააღმდეგი არცერთი .

დღის წესრიგის მეოთხე საკითხზე: ფრაქციის თავმჯდომარის მოადგილე ზურაბ კუკულავამ, ისაუბრა „ლანჩხუთის მუნიციპალიტეტის საკუთრებაში არსებული ქონების პირდაპირი განკარგვის წესით სარგებლობის უფლებით უსასყიდლოდ გადაცემაზე მერისთვის თანხმობის მიცემის შესახებ“ საკითხზე. ლანჩხუთის მუნიციპალიტეტის მერიას განცხადებით მიმართა ამხანაგობა „2016“-ის წევრმა თამარ ჯიჯიეშვილმა, ლანჩხუთის მუნიციპალიტეტის საკუთრებაში არსებული უძრავი ქონების სოფელ აკეთში მდებარე 54 კვ.მ არასასოფლო სამეურნეო დანიშნულების მიწის ნაკვეთზე და მასზე მიმაგრებული 34.2 კვ.მ შენობა-ნაგებობის სარგებლობის უფლების გადაცემასთან დაკავშირებით. განმცხადებელმა ასევე თანდართულ დოკუმენტად წარმოადგინა გაფორმებული ხელშეკრულება ამხანაგობის ერთ-ერთ წევრ გოჩა ღლონტსა და პროექტ „აწარმოე საქართველოში“-ს ფარგლებს შორის, რომლითაც ამხანაგობას მიღებული აქვს თანადაფინანსება 9900 ლარი. აღნიშნული ქონების გადაცემა კანონის თანახმად ხდება არაუმეტეს ერთი წლის ვადით სარგებლობის უფლებით, სადაც ამხანაგობა აპირებს პურის საცხობის გახსნას. ფრაქციის წევრები მიესალმება მუნიციპალიტეტში მცირე ბიზნესის განვითარებას და მხარს უჭერს ზემო აღნიშნული ქონების დროებით სარგებლობაში გადაცემას ამხანაგობა „2016“ ისთვის.

თავმჯდომარის მოადგილემ ზურაბ კუკულავამ კენჭი უყარა აღნიშნულ საკითხს:
მომხრე 2, არ მიიღო კენჭისყრაში მონაწილეობა 1.

5. სხვადასხვა საკითხები.

ფრაქციის წევრმა ამირან ქანთარიამ დააყენა საკითხი ქალაქის დასუფთავებასთან დაკავშირებით, მას აინტერესებდა თუ რატომ არ ხდება კლინიკა ჯანმრთელობის, ყოფილი კინოს და უნივერსიტეტის მიმდებარე ტერიტორიების დასუფთავება.

ფრაქციის წევრებმა დასვეს საკითხი თუ როდის აშენდება საზოგადოებრივი საპირფარეშო ქალაქის ცენტრში.

ფრაქციის წევრმა ელისო ჭიჭინაძემ, ა(ა)იპ „ლანჩხუთის მუნიციპალიტეტის კულტურის დაწესებულებათა გაერთიანებას“ მიმართა თხოვნით რომ დაეხმაროს ლესაში გასართობი ცენტრის ჩამოყალიბებაში თანადაფინანსებით.

ამით ფრაქციამ მუშაობა დაასრულა.

ლანჩხუთის მუნიციპალიტეტის საკრებულოს
ფრაქცია „ქართული ოცნება-მრეწველების“

თავმჯდომარის მოადგილე :

ზ. ს. 571702

ზურაბ კუკულავა

ლანჩხუთის მუნიციპალიტეტის საკრებულოს ფრაქცია „ქართული ოცნება-
მრეწველების“ წევრთა დასწრების სარეგისტრაციო ფურცელი

26 ივნისი 2018 წელი
15:00 საათი

№	სახელი, გვარი	გამოცხადების დრო	ხელმოწერა
1	სპარტაკ კვაჭაძე	1	ჩ. ენუქიძე
2	ზურაბ კუკულავა	14 30	ზ. სოსელია
3	ამირან ქანთარია	14 40	ამირან ქანთარია
4	ელისო ჭიჭინაძე	14 50	ე. ჭიჭინაძე